



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 01-04-37535-69 /20
Sarajevo, 09.10.2020.godine

SKUPŠTINA KANTONA SARAJEVO
- Služba za Skupštinske poslove-

PREDMET: Odgovor na zastupnička pitanja

Zastupnica Neira Dizdarević, na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda „Zastupnička pitanja, inicijative i odgovori“ a u skladu sa Poslovníkom Skupštine Kantona Sarajevo, postavila sljedeća zastupnička pitanja:

1. “Zasto kantonalna lista esencijalnih lijekova do danas nije uskladjena sa federalnom listom? Ko su članovi Komisije za lijekove? Na kojim principima radi Komisija, koje su smjernice? Zasto se podaci ne objavljuju transparentno na stranici Ministarstva zdravstva?”

2. Kao zastupnici u Skupštini KS obratila mi se majka djeteta sa 100 % invaliditetom, koje koristi lijek za plućnu hipertenziju SILDENAFIL. Taj lijek na mjesečnom nivou košta 700 KM. Zasto Komisija, ili neko od nadležnih, ne uzme u obzir pedijatrijski uzrast (djecu od 1 mjesec do 15 godina) koji moraju svakodnevno koristiti ovaj lijek, nekad i citav život? Program Revatio se odnosi na odrasle pacijente, čime su djeca u potpunosti diskriminisana, dok npr HNK putem Zavoda zdravstvenog osiguranja obezbjeđuje ovaj lijek i djeci oboljeloj od plućne hipertenzije.

U vezi sa pokrenutom zastupničkom inicijativom, Ministarstvo zdravstva dostavlja sljedeći

O D G O V O R

1. Na osnovu člana 70. st. (1) i (2) Zakona o organizaciji uprave u Federaciji Bosne i Hercegovine ("Službene novine Federacije BiH", broj 35/05), člana 23. stav (2) Pravilnika o bližim kriterijima za izbor lijekova, postupku i načinu izrade lijekova sa listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova ("Službene novine Federacije BiH", broj 45/13 i 7/19), tačke VI Odluke o listi lijekova Kantona Sarajevo ("Službene novine kantona Sarajevo", broj 43/18 i 48/18), Ministar



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



zdravstva Kantona Sarajevo je donio Rješenje broj 10-04-18885/20 od 01.06.2020.godine o imenovanju Komisije za stavljanje i skidanje lijekova na liste lijekova u Kantonu Sarajevo (u daljem tekstu: Komisija) u sastavu:

1. Prim.dr Milan Mandilović, spec.ORL, - Predsjednik
2. Prim.dr Gordana Vuković, spec. Pedijatar - član,
3. prim.dr Nijaz Šitković, spec. ORL, - član,
4. Dr.med. Eno Gljiva, - član,
5. Mr.ph. Amina Buljina, - član
6. Prim.dr Mirsad Đugum,spec.internista
7. Mr.sci.dr.Begler Begović, spec.kliničke farmakologije - član
8. Amir Ljubović, dip.lecc. - član
9. Alen Katović, dipl.pravnik - član

Komisija za lijekove je u januaru mjesecu ove godine, u mandatu tadašnje Ministrice zdravstva Kantona Sarajevo imala spremnu listu lijekova. Zbog promjene tadašnje Vlade ista je ostavljena novom Ministru zdravstva na potpisivanje i delegiranje prema Vladi. U međuvremenu je istekao mandat tadašnje komisije, imenovana je nova (članovi navedeni) koja je pregledala materijal i prosljedila Ministru, ali Ministar zdravstva zbog bolesti, a kasnije i zbog ostavke nije stigao da je prosljedi na Vladu.

Komisija radi u skladu sa Poslovníkom o radu kojim se bliže određuju procedure rada komisije kao i način odlučivanja.

2. Važeći Protokol o realizaciji programa obezbjeđenja lijeka Sildenafil za liječenje osiguranih lica oboljelih od plućne arterijske hipertenzije je definisan samo za osiguranike koji dobiju preporuku od ovlaštenih ljekara sa Klinike za bolesti srca, krvnih žila i reumatizma KCUS uz indikaciju: za liječenje bolesnika s uznapredovanom plućnom hipertenzijom u kojih postoji insuficijencija srca stepena III prema NYHA/WHO klasifikaciji, a koji više ne reaguju na dotadašnju terapiju koja je uključivala blokatore kalcijevih kanala, po preporuci specijalista pulmologa. Do uspostave Protokola za pedijatrijsku populaciju Zavod zdravstvenog osiguranja Kantona Sarajevo će u 100% iznosu refundirati troškove nabavke potrebne terapije sa čime je upoznata i roditelji djece kojim je potreban navedeni lijek.

S poštovanjem,

Pripremila: Enisa Salihefendić, Pomoćnica Ministra



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

